



Arkivnr: 2017/2665-1

Saksbehandlar: Arne Åsan

## Saksframlegg

### Saksgang

Utval	Saknr.	Møtedato
Utvalet for opplæring og helse	75/2016	07.09.2016
Fylkesutvalet		30.03.2017

## Organisering av framtidig tannhelsetilbod i Etne kommune (Hordaland) og i Vindafjord kommune (Rogaland)

### Samandrag

Fylkestinget vedtok i møte 8. mars 2016 «Klinikkstrukturplan for tannhelsetenesta i Hordaland 2015 – 2030». I vedtaket pkt 4 a står det «Fylkestannlegane i Hordaland og Rogaland samarbeider med ei samordning av tannhelsetilbodet i området Etne kommune/Vindafjord kommune (Rogaland). Dette vil bli fremma som ei eige sak i løpet av 2016».

Denne saka er handsama av OPLH den 07.09.2016 – sak 75/2016. Saka har vore fremma for fylkesutvalet to gonger tidlegare – og fylkesutvalet har begge gonger vedteke å utsetta saka. Siste gong var i fylkesutvalsmøte 22.10.2016 – sak 248/2017.

For å sikre rekruttering spesielt av tannlege er det heilt avgjerande å etablere eit større fagmiljø i området. Dette vil bli gjort ved å leggja ned dei fire små tannklinikane i området (Skånevik, Etne, Ølen og Sandeid) for å bygga ein felles, ny tannklinikk som skal gi eit tannhelsetilbod til innbyggjarar i Etne kommune (Hordaland) og Vindafjord kommune (Rogaland).

Med utgangspunkt i befolkningsstrukturen i området foreslår fylkesrådmannen at ny, felles tannklinikk blir lokalisert til Ølen. Fylkestannlegen i Rogaland har tilbod om eigna areal for bygging av ny tannklinikk i Ølen som kan stå klar til bruk i 2018. Klinikken vil få eit godt fagmiljø med 6 behandlingsrom, og vil ha kapasitet til å gje eit tannhelsetilbod til alle prioriterte pasientar i Etne kommune og i Vindafjord kommune.

### Forslag til vedtak

1. Hordaland fylkeskommune og Rogaland fylkeskommune samarbeider om å etablere ein ny tannklinikk i Ølen. Tannklinikken skal ha kapasitet til å gje eit tannhelsetilbod til alle prioriterte pasientar i Etne kommune og i Vindafjord kommune.
2. Etne tannklinikk og Skånevik tannklinikk vert nedlagde når den nye tannklinikken er klar til å tas i bruk.
3. Fylkesrådmannen får fullmakt til å inngå nødvendige leige- og driftsavtalar i samarbeid med Rogaland fylkeskommune.

Rune Haugsdal  
fylkesrådmann

Arne Åsan  
fylkestannlege

*Saksframlegget er godkjent elektronisk og har derfor inga underskrift.*

## **Fylkesrådmannen, 14.03.2017**

Fylkestinget vedtok i møte 8. mars 2016 «Klinikkstrukturplan for tannhelsetenesta i Hordaland 2015 – 2030». I vedtaket pkt 4 a står det «Fylkestannlegane i Hordaland og Rogaland samarbeider med ei samordning av tannhelsetilbodet i området Etne kommune/Vindafjord kommune (Rogaland). Dette vil bli fremma som ei eige sak i løpet av 2016».

### **Lov om tannhelseteneste:**

Det er lov om tannhelseteneste som definerer kva for grupper som har rett på tannhelsetilbod i den offentlege tannhelsetenesta. Det er såleis inga prinsipielle forskjellar i det tannhelsetilbodet som blir gitt i dei to kommunane – sjølv om dei tilhøyrer to ulike fylkeskommunar.

### **Tannhelsetilbodet i Etne kommune:**

Tannhelsetilbodet til prioriterte pasientgrupper i Etne kommune blir gitt på to tannklinikkar – Etne tannklinikkk og Skånevik tannklinikkk.

På Etne tannklinikkk arbeider ein tannlege (100%-stilling), ein tannpleiar (80%-stilling) og ein tannhelsesekretær (100%-stilling). Klinikken har to behandlingsrom. Tannhelsepersonellet ambulerer til Skånevik tannklinikkk ein dag kvar 14 dag for å gje eit tilbod til dei prioriterte pasientgruppene som er busett i Skånevik. Skånevik tannklinikkk har 2 behandlingsrom som er fullt utrusta. På Skånevik tannklinikkk brukast utstyret 2 dagar pr månad.

Totalt tal pasientar i dei prioriterte gruppene i Etne kommune er 1300. Fordelinga mellom dei to tannklinikkkane er at 1010 pasientar tilhøyrer Etne tannklinikkk og 290 pasientar tilhøyrer Skånevik tannklinikkk.

### **Manglande stabilitet på tannlegebemanning – fagleg miljø:**

Tannhelsetilbodet i Etne kommune har dei siste 2,5 åra vore eit typisk eksempel på kor sårbart eit lite fagmiljø er. Sidan tidlig på 1980-talet – og fram til 2014 – har Etne kommune hatt ei svært stabil tannlegedekning. Dette fordi tannlegen som i 1980 fekk stilling i tannhelsetenesta i Hordaland busette seg i Skånevik, kjøpte seg småbruk og blei buande der. I 2014 vart vedkomande sjuk, og det viste seg raskt vanskelig å få vikar.

Frå 2014 stod vikariatet i lang tid ubemanna, og tannlegar frå Stord tannklinikkk reiste til Etne nokre dagar pr månad for å oppretthalda eit visst tannhelsetilbod der. Frå hausten 2015 til våren 2016 var det tilsett vikar som vekependla frå Kristiansand.

Frå og med august 2016 blei det tilsett ein ung, nyutdanna tannlege i fast stilling i Etne. Vedkomande sa opp stillinga etter om lag ½ år, og er nå flytta frå Etne. Etne tannklinikkk har for tida ingen tannlege tilsett, og tannlegar frå Stord tannklinikkk må igjen ambulera for å gi eit minimumstilbod til dei prioriterte pasientgruppene i Etne.

For både å rekruttera – og også å stabilisera – ein tannlege i fast stilling er det heilt avgjerande å få etablert eit større fagmiljø som vedkomande kan gå inn som ein del av. Ein felles tannklinikkk med 6 behandlingsrom som gir eit tannhelsetilbod både til innbyggjarar i Etne kommune og i Vindafjord kommune vil utgjera eit slikt fagmiljø. Dei tilsette på Etne tannklinikkk ønskjer sterkt ei slik løysing.

### **Tannhelsetilbodet i Vindafjord kommune:**

Det er tannhelsetenesta i Rogaland som har ansvaret for tannhelsetilbodet i Vindafjord kommune. Tilbodet er organisert med ein tannklinikkk i Ølen og ein tannklinikkk i Sandeid. I den vedtekne klinikkstrukturplanen for Rogaland skal Ølen tannklinikkk og Sandeid tannklinikkk samlokaliseras i ein ny tannklinikkk i Ølen.

### **Framtidig tannhelsetilbod for både Etne kommune (Hordaland) og Vindafjord kommune (Rogaland):**

Fylkestannlegen hadde 27. september 2016 møte med Etne kommune om framtidig organisering av tannhelsetilbodet i Etne. Etne kommune opplyste då om planer for å etablere eit nytt helsesenter i Etne, og dette nye helsesenteret kunne vera aktuell som eigna lokalisering av ny tannklinikkk for både Etne og

Vindafjord. Etne kommune opplyste at bygging av dette helsesenteret ville truleg starta hausten 2018, og stå ferdig hausten 2019.

Fylkestannlegen i Hordaland har i brev til fylkestannlegen i Rogaland datert 27.01.2017 kome med framlegg om ei lokalisering av ny felles tannklinikk i Etne. Saka har vore handsama i styret for tannhelsetenesta i Rogaland den 14.02.2017. Sjå to vedlegg. I svarbrev frå fylkestannlegen i Rogaland står det at «styret er positiv til et samarbeid med Hordaland fylkeskommune om en felles tannklinikk under forutsetning at klinikken etableres i Ølen, av hensyn til antall pasienter som vil tilhøre en ny klinikk og reiseveien for pasientene».

Fylkestannlegen i Rogaland har tilbud om å leiga eit eigna areal til ny tannklinikk i Ølen. Arealet er stort nok til å kunna bygga ein ny funksjonell tannklinikk med 6 behandlingsrom. Den nye tannklinikken vil då ha kapasitet til å gje eit tannhelsetilbod til alle prioriterte pasientar i dei to kommunane.

Ein tannklinikk med seks behandlingsrom vil gje eit større og mykje betre fagmiljø enn det dei eksisterande 4 småklinikane gir. Eit større fagmiljø gjer og at det er lettare å rekruttera og stabilisera tannhelsepersonell.

Tannpleiar vil framleis besøka sjukeheimen i Skånevik for å vurdere kven som treng time hos tannlege. Pasientar busett i Skånevik kan og – om dei ønskjer – få sitt tannhelsetilbod på Husnes tannklinikk eller på Stord tannklinikk.

#### **Befolkningsgrunnlag og reiseavstandar:**

i Vindafjord kommune er det om lag 8800 innbyggjarar, og i Etne kommune er det om lag 4100 nnbyggjarar.

Avstanden mellom dei to kommunesentra er 12 km.

Etne – Ølen	12 km
Skånevik – Ølen	38 km